

Weckherlin, Georg Rodolf: Ode (1641)

- 1 Der Menschen wohn ist falsch/ betrüglich die ver-
2 jähung/
3 Als ob des Glucks allmacht/ der ewigkeit vernehmung/
4 Vnd des himmels gesetz (mit zwang der Götter
5 hand
6 Verkürtzend) ohn jhr schuld veränderten den stand
7 Der Menschen vnd der Welt. Das werck recht zube-
8 sehen
9 So muß der Mensch/ daß er die vrsach selbs/ gestehe.
- 10 Da ja ein jeder mensch/ dem grösten König gleich/
11 Hat der Anmuhtungen vnd der begirden reich
12 (die seine vernunft steht solt maistern) zu regieren:
13 Vnd Sie/ was farb vnd schein Sie auch in dem
14 schilt führen/
15 Zu büßen jhren lust (als schmaichler) jhres thails
16 Vergessen offt des Reichs vnd jhres Fürsten hayls.
- 17 Da wil des menschen hertz der Schönheit sich er-
18 geben;
19 Dort ein kraußlechtes haar kan seine seel verweben;
20 Hie eines augs anblick/ mehr dan ein scharpfer plitz
21 Dort eine weisse hand beraubet jhn der witz;
22 Ja/ ein geschmöll/ ein wort/ ein seufftz kā nach gefallen
23 Der Vernunft Mayestet zu fuß jhm machen fallen.
- 24 Bald hochmuht/ hoffnung/ lust/ frewd/ ehrgeitz/
25 schimpff vnd schmach/
26 Bald kleinmuht/ forcht/ neyd/ hassz/ verdruß/ layd/
27 zorn vnd raach
28 Verfünstern seinen tag/ als jhres Herrens Mayster/
29 Vnd fewren seine macht/ als vngehewre gayster/
30 So daß der arme Mensch (torrecht vnd vngerecht)

31 Ein König von geburt/ wird seiner knechten Knecht.

32 Vn~wie Er auch sein lob vermeinet zuverblümen/
33 So hat doch billich Er vollkomẽn nichts zurühmen.
34 Ein hagel/ ein sturmwind/ ein wogen in dem Meer/
35 Ein schuß/ strach/ stich/ fall/ thier/ so leichtlich als ein
36 heer/
37 Ja des hofs vberfluß/ der Stätt vn~Dörffer sünden
38 (die nach lust wider vns bald einen vorthail finden)
39 Dem Ackerman die ernd/ dem Kauffma~all sein gut
40 Dẽ Hofma~seinen pracht/ dẽ Kriegsma~seinen muht/
41 Dem Bürgern seine ruh/ vnd jedem noch das leben
42 Beraubend/ Sollen vns vnd jedem die lehr geben
43 Daß wer von grossem layd/ von sorg/ anfechtũg/ pein
44 Begehret/ wa nicht frey doch etwas loß zu sein/
45 Das beste mittel ist/ Sich zu dem kreutz zubiegen/
46 Vnd mit der armut sich verbindend zuvernügen.

(Textopus: Ode. Abgerufen am 23.01.2026 von <https://www.textopus.de/poems/18921>)